

بِسْمِ اللّٰهِ الرَّحْمٰنِ الرَّحِیْمِ

مقدمه

الی نیزده کی بو کیتاب مثنوی دیر کی یقینین سیرلارینا ال تاپیب، یول بؤلمه گه، دینین کؤکلری نین ریشه سی (تمل داشی) آلاهی تانیماغین آن یوکسک علمی و آلاها قوشماغین آن ایشیقی یولو و آیدین راخ دلیلی دیر. اونون نورونون نئجه لیگی چیراق یئرینده پارلایان چیراغا بنزه ییر کی سحرین ایشیغیندان ایشیقی نور یاییر. او پیتراق آغاجلی و قاینار بولاقلی اورکلرین جنت باغی دیر. بو یولون یولچولاری او چشمه لرین بیرسینه سلسیل دئییرلر کی واصل لر و کرامت صاحیلری ایچون آن یاخشی و به گه نیلن دینجل مک یئری دیر. یاخشی لار او رادا یئییب، ایچیرلر و قویموشلار اوندان خوشلانیب، شنله نیرلر. او میصرده آخان (آخار، دشار، کؤشه ری) "نیل" چایی نین حؤکمونده دیر کی آلاه تعالانین حؤکموئه دؤزوب بیتن لره قانیق وئرن (سوسوزلوغو سؤندورن) سودور؛ اما فرعونلارا و نعمتی او رتوله یین لره حسرت داغی دیر. نئجه کیم حضرت باری بویوروبلار: «اونون الی و وسیله سی ایله چوخلاری یول آزیر و چوخلاری یول تاپیرلار». او زیغلی و بولاشیق اورکلرین داواسی، غملرین زاغینی آچان، قرانی آچیقلایان (ایچ/ئله یین)، دونیالی، عقبالی پایلان دیران و خالق لارین چیرکین لیگینی آلیب پاکلان دیراندیر. بو کیتاب یوخاری مرتبه لی و آلاهین یانیندا عزیزلن میش، یازانلارین اللری ایله یازیلیب دیر و او تارلار پاکلاردان (شیرکدن قویموشلاردان) سوی هئچ بیر کیمسه یه اجازه وئرمز لر تا او تا (اونون سانا گلمه یین بطن لرینه) ال تاپسین لار. او عالم لری یارادان آلاهین اوز یانیندان گؤندر یلیب دیر کی اوندن و آرخادان، باطیلین او تا الی و یولو یو خدور. آلاه تعالا اونو هر بیر بلا و توخونتودان قورویان و گؤزتله یین دیر. آلاه آن یاخشی قوروجودور کی مهربانلارین مهربانی دیر. اونون آیری - آیری

آدلاری دا واردیر کی حضرت باری اؤزو آدلایبیدیر و بیز بو آزا کی چوخذان و بیر قورتوما کی گؤلدن و بیر سیخمایا کی خرمن دن آیت و نشانه دیر بیتیب و بسلن دیک.

بو ال سیز و ایاقسیز بنده کی بؤیوک آلاهیین رحمتینه هامیلاردان آرتیق محتاجدیر و آرزیلاییر کی حضرت حق اونون بنده لیگینی قبول ائله سین؛ یعنی محمد محمدین اوغلو و بلخلی حسینین نوه سی، بئله دئییر: مثنوی نین قوشماسینا، کی سؤزده ییغجام اما معنادان دولودور (وزن ده یونگول و قیمتده آغیردیر) اؤز سروریمین بویوروغونا (ایسته دیگینه) گؤره باشلادیم (ال ویردیم). مثنوی ده هامیلارین الی چاتمایان بدیع صحنه لر، آیدین و ایشیقلی مقاله لر و دلیل لر (گورستمه لر) اینجی لر واردیر. او آلاها خاطر دونیایا گؤز یومانلارین یولو و آلاهیین بنده لری نین باغی و بهشتی دیر. او عزیز منیم سئوکه نه جه گیم، دایاغیم، جسمیمده جانیم و بو گونومون و گله جه گی مین ذخیره سی دیر. و او دگیل مگر عاریفلرین اولگوسو و باشی اولان، هدایت ائله ییب یقینه چاتدیران، خالقین دار گونونده دادینا دوران، کؤنولرین و عاگیل لارین امن یئری اولان، آلاهیین یارانمیشلار آراسیندا امانتی و حضرت باری نین خالق لاردان به گه نیل میشی و اؤز پیغمبرینه تاپشیریق لاری و اؤز سئچیب به گندیگی ایله آریا قویدوغو سیررلار، عرشین خزینه لری نین کیلیدی و یئرین گیزی لری نین امینی، کرامت لر آتاسی اولان و حقین و دینین کسگین قیلینجی اولان، حسن محمدین اوغلو و حسین نوه سیدیر کی ابن احی ترک آدلایبیدیر. او اؤز واختی نین بایزیدی و زمانه نین جنیدی، دوزگونون اوغلو و دوزگونون توره مه سیدیر کی آلاهی اوتدان و اونلاردان راضی دوشسون. او اصلده و کؤکده اورمیله لی دیر و بیر ائله عظمتلی شیخین توره مه سیدیر کی بئله بویوروبلار: «یوخویا گئندنه کوردودوم، یوخودان دوراندا عرب اولدوم». آلاهی تعالا اونون و اوتدان گلن لرین روحلارینی پاک ساخلا سین. آی نه یاخشی کئچمیشلری و گلن لری واردیر. او بیر توره مه دندیر کی گون اورتوسونو اونون اوستونه ساریب؛ (یعنی اونون اونونده ایشیق سیزدیر و اوز نورونو اوتان دیغیندان گیزله دیر) و اولدوزلار اونون حسبی نین موقابیلینده نوردان دوشورلر.

آریمیزدیر کی اونلارین آستانالاری سعادتلی گزنلرین قبیله سی اولسون و ولایت صاحب لری نین اوولادی اوڑایا اوز گتیرسین لر و الی آچیق احسان صاحب لرینه، آرزیلار کعبه سی اولسون.

تا اولدوزلار پاریلدماقادیلار و گون ایشیلدا بیر، بو قاپی دوودان دوشمه سین. بصیرت اهلینه سیغیناجاق یثری اولسون (اؤ بصیرت اهللی کی) ربّانی، روحانی، سماوی، عرشلی و نورانی دیلر. اونلار گوردوکلرینده دینمه یین لردیلر (سیرلاری آچماغا اجازه لری یؤخدور) غایب لیک لرینده حاضر اولانلاردیلار. ایشدن دوشموش (اپری میس) پالتارلارین ایچینده شاهلار، قبیله لرین باشلاری، فضیلت لر اهللی و دلیل لر (حجّت لر) نورودولار.

ای عالم لری یارادان آلاه، تا دنیا واردیر، ائله (اؤ حاللاردا) اولسونلار. بو بیر قبول اولان دوعادیر؛ چونکی هامیلارا شامیلدیر.

اؤ بیر آلاها حمد ائله بیرم و اونون سلامی سروری میز، محمّده و اونون یولونون داوامچی لارینا اولسون.

آلاه بیزه یئتردیر و نه ده یاخشی، ایشلری دوزه لدندیر.